

金文雅

金

文

雅

金初無文字也自太祖得遼人韓昉而言始文太宗入宋汴州取
經籍圖書宋宇文虛中張斛蔡松年高士談輩後先歸之而文字
煇興然猶借才異代也至蔡珪傳其父松年家學遂開金代文章
正宗洎大定明昌之間趙秉文楊雲翼主文盟時則有若梁襄陳
規許古之勁直党懷英王庭筠之文采王若虛王渥之博洽雷淵
李純甫之豪俊爲金文之極盛及其亡也則有元好問以宏衍博
大之才足以上繼唐宋而下開元明與李俊民麻革之徒爲之後
勁迹其文章雄渾挺拔或軼南宋諸家乃好問編中州集詩同時
有馮清甫亦輯金文至百餘卷惜竟不傳其專集之幸存者惟拙
軒滏水滹南遺老莊靖遺山五者而已今廣蒐嚴遴汰其麤率取
其雅馴釐爲十六卷附以作者考略名曰金文雅聊存一代之文
獻云爾

道光二十一年夏六月秀水莊仲方序

卷一百一十五

其部應國十六卷以升普澤澤曰金文部卿符一分之文
神益木戰南恩赤升敵蠻山正普而曰今鄭業洲也
自無謝南永神金文至百餘卷意不盡其專與之幸
既心其文章必出以知輝南未前宋代世間中則與論同
人之下男以士無書米而不世示則與率對男釋草之
李林甫之與與金文之淵然又其方書明自天機問以
見有言之也其與女王盛長之文宋王啓溫王統之與
王祥自大宋四國之問也宋文則王與生文盟和明自
其與然其書下無升也其與其父世平宋學步則金文
其與然其書下無升也其與其父世平宋學步則金文
其與然其書下無升也其與其父世平宋學步則金文

采取書目

拙軒集

滏水集

淳南遺老集

遺山集

莊靖集

大金集禮

中州集

大金國志

松漠紀聞

歸潛志

金史

元文類

玉堂嘉話

高麗史

薊州集

安陽金石錄

河南通志

沂州志

泰安府志

平陽府志

棲霞縣志

山左金石志

祖庭廣記

式古堂書畫彙考

欽定全金詩

金文雅體例

一金集傳者五家餘皆采自他書今除五集外各注采書于目下
其有本集不收從他書選入者亦注明

一金文雖無南宋冗長萎弱之習閒傷麤率茲選其雅馴者至青
詞及爲釋道二家作概不錄入已十汰其七八矣

一作者名氏爵里及其行事各述大略以備知人論世之鑒

一字文虛中吳激張斛高士談皆宋臣而仕于金則錄之劉祁揚
宏道楊奐王鶚皆金臣而仕于元則刪之如李俊民元好問杜
仁傑雖入金而獨能完節故應錄入以遂其志

一欽定全金詩搜輯無遺今約選五七言古詩各一卷近體從
文粹之例不采

文粹之附不采

一 錄以金金精鮮陣無數今除嚴正小言古精谷一答我歸
十者聖人金而登前完僧姑獻人以此後其志

一 錄以金王無皆金而并干元限冊之限奉劍且元夜問封
一字文聖中吳繼通懷高士精習宋臣而并干金限難之國
一 并答呂元霄里又其行畢谷敬大御以備賦人備甘之鑒
一 錄以金書錄二案并辦不難人曰十太其十八矣

一 錄以金文錄其南宋穴具奏錄之晉閭尉繼率蔭其縣縣答至書
一 錄以金書本集不郊並出書縣人書亦封即

一 錄以金書相書正案給書采自並書今刻正案收谷封宋書干目

金文部類

金文雅作者考

秀水莊仲方述

完顏勛字勉道本名烏野穆宗第五子官至左丞相太保領行臺三省事封漢國王勉道剛好學以金初未有文奉敕撰祖宗實錄又預平宗磐之難材兼文武大定中詔以詩文鏤板今已不傳

完顏宗幹本名幹本太祖庶長子佐太祖太宗平遼官至太師封梁宋國王有金議禮制度正官名定服色興學選士治厯明時皆宗幹于天會初啟之

完顏宗憲本名阿嬾幼入太學官至右丞相太子太師宗憲十六入學卽爲太宗所器從其兄宗翰克宋汴京眾人爭取財物獨載圖書以歸世宗朝多所建白信任特專人稱宗室賢相

紇石烈良弼本名婁室回怕川人天會中以女直字學生入選年十四爲北京教授官至右丞相卒封金源郡王諡誠敏良弼聰

明正直知人善斷起寒素爲冢宰二十年佐世宗成太平之功
時稱良相大定十五年圖像衍慶宮謚武定明昌五年配享世
廟

完顏宗磐本名蒲盧虎太宗子天輔五年佐完顏杲取中京熙宗
時官至尙書令拜太師封宋國王以逆誅

宇文虛中字叔通成都人宋黃門侍郎使金留仕爲翰林學士承
旨皇統初上京諸虜俘謀奉叔通奪兵仗南奔事覺繫獄諸貴
夙憾叔通侮慢之乃鍛鍊所藏圖書爲反具并連高士談受誅
人皆冤之

吳激字彥高自號東山宋宰臣拭子使金被留爲翰林待制出知
深州遽卒彥高工詩其字畫得婦翁米元章筆意亦以知名留
金遺山稱其詞爲大朝第一有東山集今佚

張斛字德容漁陽人宋武陵守入金官秘書省著作郎德容能詩
兼工字畫有南游北歸等集今佚

蔡松年字伯堅父靖宋燕山守郭藥師敗靖以燕山降元帥辟松年爲令史後除真定府判官遂爲真定人官至右丞相加儀同三司封衛國公謚文簡伯堅事繼母以孝聞自號蕭閒老人文詞清麗與吳激齊名時號吳蔡體

高士談字子文一字季默宋韓武昭王瓊之後宣和中任忻州戶曹入金官翰林直學士金諸貴欲以藏圖書死宇文虛中遂與禍有蒙城集今佚

施宜生字明望邵武人宋政和中爲潁州教授後以罪北走事僞齊不得志金擢爲太常博士官至翰林院侍講學士自號三佳老人使宋歸以洩軍情烹死明望在潁州時從趙德麟游頗得蘇門沾丐

曹望之字景蕭其先臨潢人遼季移家宣德天會閒以秀民子選充女直字學生除西京教授世宗朝官至戶部尙書景蕭有才而躁進旣貴益刻苦讀書有詩集已佚

徒單克寧本名習顯其先金源縣人後占籍萊州熙宗時以母舅左丞相希尹薦爲符寶祇候官至尙書令太師封淄王卒諡忠烈配享章廟史稱克寧功高而身愈下位盛而心愈勞可謂大臣

石琚字子美定州人父皐爲郡吏有陰德琚自幼讀書過目成誦天眷二年進士第一官至右丞相封莘國公卒諡文獻配享世廟子美遭遇世宗君明臣良一時無二學亦賅洽

祁宰字彥輔江淮人宋季以醫術補官金師破汴得之隸太醫累遷中奉大夫太醫使煬王欲伐宋上疏切諫戮于市籍其家天下哀之世宗詔贈資政大夫復其田宅章宗擢其子爲尙藥局都監諡宰曰忠毅

申良佐

蔡珪字正甫松年子天德三年進士官至禮部郎中出守濰州道卒正甫七歲賦菊詩語意驚人擢第後不求選調日求未見書

讀之辨博冠當時金初如宇文虛中吳激蔡松年施宜生輩文墨雖工然猶借才異代惟正甫爲金代文章正宗其著述甚夥今皆不傳

王寂字元老薊州玉田人天德三年進士官至中都路轉運司使卒諡文簡元老詩文清拔爲滹南莊靖二家先導有拙軒集

劉汲字伯深渾源人天德三年進士官至翰林供奉自號西巖老人有西巖集今佚

張公藥字元石宰相孝純子滕陽人以文蔭入仕官鄆城令仕至昌武軍節度副使詩號竹堂集今佚

馮子翼字士美大定人正隆二年進士官至同知臨海軍節度使事

完顏宗浩字師孟昭祖四世孫漢國公昂之子貞元中爲煬王入殿小底官至尙書右丞相卒諡通敏師孟與僕散揆皆才兼將相世宗倚之以成大業者

梁襄字公贊絳州人大定三年進士官至保大軍節度使公贊爲薛王府掾時上疏諫止世宗游金蓮川直聲著朝廷學問亦賅洽

周昂字德卿真定人第進士爲南和簿歷官監察御史以事斥謫南海復起爲三司判官大安軍興以權行六部員外郎從宗室承裕軍城陷與子嗣明同死節德卿以孝友聞文筆高雅其謫也坐以詩送路鐸事被斥其起也以邊功有常山集今佚

徒單鑑本名按出猛安人大定九年策女直進士及第者二十七人鑑與上選授中都路教授官至左丞相封廣平郡王鑑明敏方正學問賅博名士多出其門胡沙虎之亂賴鑑一言而宣宗立宗社以安著宏道集今佚

党懷英字世傑宋太尉進十一代孫父純睦爲泰安軍錄事參軍卒于官遂爲奉符人大定十年進士官至翰林學士承旨卒謚文獻趙閒閒稱世傑文似歐柳詩似陶謝至篆籀入神則李陽

冰以後一人而已

劉迎字無黨東萊人初以廕試部掾大定十四年進士除幽王府記室改太子司經自稱無諍居士有詩文樂府號山林長語詔國學刊行今佚

王庭筠字子端熊岳人大定十六年進士官至翰林修撰子端七歲能詩風流醞藉冠冕一時文亦高出時輩所薦引如趙秉文馮璧李純甫皆名士世以知人許之平生愛天平黃華山水自號黃華山主

趙渢字文孺自號黃山東平人大定中進士官至禮部郎中文孺學道有得尤工書懷英小篆爲李陽冰後一人世以文孺配之號曰党趙

高汝礪字巖夫應州金城人大定十九年進士官至尙書右丞相封壽國公卒後配享宣廟巖夫以慎密廉潔結主知而乏剛毅故遺山以爲守成良相恨所遭不時耳

劉昂字之昂興州人大定十九年進士官至左司郎中降上京留守判官

王澗字逸賓自臨洛遷汴梁明昌中以馬吉甫薦官鹿邑主簿旋歸逸賓孝友天至博學能文與王彥功游宗之齊名人皆以高士目之○澗一作礪

師拓字無忌平涼人舉進士不中明昌中有司薦其才以嗜酒不果詩有氣象鍊句尤工

蕭貢字真卿咸陽人大定二十二年進士由涇川觀察判官仕至御史中丞以戶部尚書致仕卒謚文簡真卿博學能文人比之蔡正甫官右司郎中時修泰和律令爲帝嘉歎以蕭何期之著有史記注五聲韻譜文集今皆佚

趙秉文字周臣磁州滏陽人閒閒其自號也大定二十五年進士官至禮部尚書金代文章正宗正甫開其端周臣昌其緒裕之殿其終著述甚夥傳于今者有滏水文集

張行信字信甫先名行忠避莊獻太子諱改莒州日照縣人御史大夫暕子大定二十八年進士爲銅山令累官至尙書左丞信甫純正眞率奏事不知避忌兩登相位殆若無官愚賢皆以正人目之氣節亦在高汝礪上

胥鼎字和之代州繁峙人尙書右丞持國之子大定二十八年進士官至平章政事封英國公和之爲宣哀時名相爲政靜鎮南渡後以書生鎮方面者一人而已

侯摯字莘卿東阿人明昌二年進士官至平章政事封蕭國公致仕居汴崔立以汴城降爲北兵所殺莘卿威重敢言喜薦士雷淵麻九疇輩皆其進用南渡宰執中人望最重

酈權字元興安陽人武寧軍節度使瓊子以門資敍宦不達朝廷高其才明昌中召授著作郎旋卒有坡軒集今佚

龐鑄字才卿大興人明昌五年進士官至京兆運使才卿風流文采爲時輩所推兼工字畫自號默翁